

NAQQIUT

**Akissuteqaat 20. april 2016-meersoq taarserpaa
(Immikkoortup kingulliup tullia annikitsumik erseqqissaassutigineqarpoq)**

Kalaallit Nunaanni Inatsisartunut qinersisarneq pillugu Inatsisartut inatsisaata allanngortinneqarnissaa pillugu Naalakkersuisut UPA 2017-imut suliniuteqaqqullugit Inatsisartut aalajangiiffigisassaattut siunnersuut, taamaaliornikkut inatsisartunut qinersinissaq tulleg nallertinnagu Avanersuup, Ittoqqortoormiillu immikkut inatsisartunut qinersiveqalernissaat qulakkeersinnaaqqullugu.

(Inatsisartunut Ilaasortaq: Anthon Frederiksen, Partii Naleraq)

Akissuteqaat

(Naalakkersuisut Siulittaasuat)

Naalakkersuisut aallarniutigalugu aalajangiiffigisassatut siunnersuummut qujaniarput.

Inatsisartunut ilaasortaq Anthon Frederiksen, Partii Naleraq, siunnersuuteqarpoq 2017-imi upernaakkut ataatsimiinnissaq sioqqullugu Kalaallit Nunaanni Inatsisartunut qinersisarneq pillugu Inatsisartut inatsisaat pillugu allannguutissatut siunnersuummik Naalakkersuisut saqqummiinissamik peqquneqassasut, taamaaliornikkut Qaanaaq aamma Ittoqqortoormiit tullianik Inatsisartunut qinersisoqalerpat immikkut qinersivinngortinnissaat anguniarlugu.

Qaanaarmiut Ittoqqortoormiormiullu Inatsisartunut qinigaatitaqarnissaat ajornartorujussuanngorsimasoq, tamannalu pissutigalugu taakkunani najugaqartut inuuniarnertik immikkorluinnaq ittoq pillugu oqariartuutissatik toqqaannartumik apuunnissaat periarfissaarussimasoq siunnersuuteqartumit erseqqissarneqarpoq.

Inatsisartunut qinersisoqarnerani qinersiviit pillugit massakkut aaqqissuussaq 1998-imi qinersisarneq pillugu inatsimmut allannguutitut akuersissutigineqarpoq.

Siusinnerusukkut qinersiviit arfineq-pingasuusimagaluartut qinersiviit agguataarnerat ataa-siinnangortillugu 1998-imi allanngortinneqarpoq. Allannguinnermut tunngavilersuutaasoq tassaavoq allanngortitsinikkut nuna tamaat sinnerlugu Inatsisartuni sulinerup pingaarnertigut siuarsarneqarnissaa tamatumalu kingunerissallugu immikkut ittunik soqutigisaqarnermut akisussaaffiup sumiiffinni assigiinningsuni atornerqartup Inatsisartunut ilaasortanit tamanit malinneqartussaana.

Qinersiviit agguarneqarnissaat pillugu oqallinnerit nutaajunngillat. Inatsisartunut ilaasortat partiinit arlalinneersut massakkut aaqqissuussap allanngortinnissaa pillugu siunnersuutinik assingusunik siusinnerusukkut saqqummiussaqaartarsimapput. Siunnersuutinulli Inatsisartuni amerlanerussuteqartoqarneq ajorpoq.

Naggasiullugulu taaneqarsinnaavoq massakkut aaqqissuussap atorneratigut qinigassanngortitut tamarmik Inatsisartunut ilaasortanngornissamut assigiimmik naligiimmillu periarfissaqarmata, matumanilu nunatsinni sumi najugaqarnerseq apeqqutaatinnagu.

Tamannalu tunngavigalugu Naalackersuisut isumaqarput Inatsisartunut tullianik qinersisoqar-nissaa sioqqullugu qinersisarnermut inatsimmik allannguissamut siunnersuummik saqqum-miissalluni tunngavissaqanngitsoq, Inatsisartulli aalajangiiffigisassatut siunnersuutip suliaralugu oqallinnissaat qilanaaralugu.